















REQUESTE ET
SVPPPLICATION DES
CATHOLIQUES
ANGLAIS,

Au Roy d'Angleterre, leur souuerain
Prince; pour la tolerance de la Reli-
gion Catholique, en son
Royaume.



A PARIS,

M. DCIII.

Case

F

39

326

16042E

THE NEWBERRY
LIBRARY



REQVESTE ET
SVPPPLICATION DES
CATHOLIQVES AN-
glois, à leur Roy.



RES-PVISSANT Prin-
ce & grand Monarque,
les rares perfections &
admirables dons de sa-
gesse, prudence, valeur,
& Iustice, desquels la
tres-abondante main de

Dieu a doué vostre Majesté, sont tels & si
grands, que nous ne doutons aucune-
ment, que vostre singulier iugement ne
preuoye & cognoisse ce qui appartient au
regime & gouuernement des choses, tant
spirituelles que corporelles, de vos
Royaumes & seigneuries : Toutesfois
nous, vos affligez subiets & deuots serui-
teurs les Catholiques d'Angleterre, en

A ij

partie pour preuenir les mauuaises & finistres impressions & calomnies, qui par aduenture pourroient procurer vos sacrées oreilles deuant que nous fussions ouïs en nos iustifications & responce ; en partie aussi nous voyans presque accablez par violentes persecutions, à raison de nostre conscience, nous sommes contrains de recourir promptement à vostre Maiesté, sous l'esperance d'en receuoir soulagement, & vous presenter ceste humble requeste, pour obtenir de vostre Royale Maiesté quelque commiseration & faueur au saint desir que nous auons de viure & mourir en la Religion que nous tenons des Apostres & de leurs successeurs, qui de main en main la nous ont enseignée.

Ce que si vous faites, SIRE, vous attirerez sur vous & sur vostre maison Royale toute sorte de benedictions de Dieu : & verrez en bref vostre Royaume remply de bons & tres-fidelles subiets. Car quelle recognoissance ou deuoir peut attendre ou desirer vn Prince temporel de ses vassaux, que nous qu'on a tousiours esloigné

de vous ne soyons prests de rendre? Combien de Seigneurs & Gentils-hommes de merite, tres-zelez en la Religion Catholique, ont enduré; les vns la perte de leurs biens, les autres l'exil, les autres la prison, & autres l'effusion de leur sang & vies, pour l'aduancement & conseruation du droit de vostre bien heureuse Mere, au sceptre d'Albion? Et dauantage qui sont ceux-là, qui ont iamais rien enduré pour le tiltre & domination de vostre Majesté, sauf les Catholiques? Combien d'eux ont accouru à vos proclamations, s'offrans eux-mesmes pour hostage de leurs amis, & pour viure & mourir en vostre querelle; en cas que personne se fust opposé à l'equitté de vostre cause? Or s'ils ont entrepris & ausé faire ces choses sans craindre la disgrace de leur Princeesse, pour acquerir la grace de vostre Majesté, que feroient-ils, ou plustost que ne feroient-ils maintenant, pour viure sans disgrace en vos bonnes graces?

L'estat de ce Royaume, touchant la Religion, est (laissant à part plusieurs petites Sectes) diuisé en quatre principales par-

ties: Protestants, qui durant le regne de la
 feu Royne ont tousiours eu le dessus sur
 les autres: Puritains, autrement Caluini-
 stes, ou Huguenots, lesquels se sont glissez
 hastiuement parmy eux: Athées ou Ma-
 chiauelistes, nais & acereus des conten-
 tions & disputes furieuses, qui ont esté &
 sont entre les susdits en matiere de la foy:
 & Catholiques, lesquels comme ils sont
 contraires à tous ceux-là, aussi sont-ils de-
 testez & persécutez de tous eux; d'autant
 que l'erreur est tousiours ennemy iuré de
 la verité. Il est tres-difficile d'arrester le
 cours des opinions des trois premiers.
 C'est pourquoy ne voulans troubler
 vostre Estat, nous vous supplions seule-
 ment de nous bailler mesme liberté qu'à
 eux, & ne nous traiter pas pirement que
 eux: car nous & eux sommes tous vos-
 tres humbles subiects, & ne demandons
 qu'à vous faire seruice, en craignant & ser-
 uant Dieu, comme nous auons appris
 eux chez les deuoyez, & nous en l'Eglise
 de Dieu, comme ils verront avec le temps,
 & se reioindront à nous pour faire leur sa-
 luen: puis quittant toutes ces mauuaises

opinions, qui pouffent les hommes à di-
uerfes seditions, vous seruiront avec nous
en toute fidelité.

Plaife vous donc, Sire, nous accorder
cette sainte liberté de viure, comme nos
bons peres nous ont enseigné, pour estre
sauuez : Et suiuez en cela l'exemple de ce
grand Roy de France; auquel on a dressé
tant d'arcs triomphans & de Pyramides,
avec ces mots; *Pater patrie & pacis resti-
tutor* : parce que ce Royaume là estant
dechiré & presque perdu de guerres ciui-
les, pour le faict de la Religion, a esté par sa
grande sagesse & vertu, remis en soy-mes-
me, & deliuré des attentats des estrangers,
en accordant à ses subiects ce libre exerci-
ce de Religion, qui tenoit seldits subiects
en diuision.

Sans doubte, Prince redoutable, le
Royaume d'Angleterre a esté vn temps
fort odieux, & quasi abominable à tous les
Chrestiens circonuoisins, pour les gran-
des persecutions qu'on faisoit contre les
Catholiques : & durant ce temps là, le
commerce & trafic ont cessé & esté pres-
que perdu : & les guerres & effusion de

sang ont rarement abandonné ce Royaume. Quant aux impositions & subsides, ils n'y furent iamais si grands & frequents, ny les esprits de plusieurs si mal cōtens, qu'ils font depuis les persecutions qu'on a pratiqué contre les Catholiques. A quoy la clemence de vostre Royale Majesté remediera facilemēt, en faisant cesser ces cruelles persecutions, & rendant aux Catholiques le libre exercice de leur sainte Religion, suiuant la tres-humble supplication que tous vosdits tres-affligez subjects Catholiques vous en font à l'entrée de vostre Royale Majesté à ceste couronne.

Si loquaris ad eos verba lenia, erunt tibi serui cunctis diebus, disoit le sage Conseiller du Roy Salomon à Roboan. Car la liberté apres l'affliction semble vn vent agreable, apres vn vehement orage; & le bien-faict en la misere, redouble la valeur d'iceluy. Combien agreable sera-il à tous les Princes Catholiques parmy le monde, & mesme honorable à vostre Majesté, d'entendre comme la seuerité de la Roine Elizabeth est changée maintenant en vne clemence Royale, & que la douceur d'un
hom-

homme a reparé ce que le despit subit & courroux mal informé d'une femme auoit destruit? Que le Lyon Rempant est ores Passant, où le Passant auoit esté Rempant.

Combien seront bien venus & receus vos subiets en toutes les contrée Catholiques, qui sont maintenant entre tous reiectez & abhorrez, lors qu'ils orront que vostre Majesté n'appreste ny tourmens ny prisons pour les professeurs de leur foy, mais leur permet des Eglises & Autels, pour l'usage de leur commune Religion? Alors nous verrons de nos yeux, & toucherons de nos mains en ce pais ceste heureuse benediction d'Esaye, que les espées se tourneront en charruës, & les lances en fauz: & toutes les nations rauies d'admiration diront, *Hi sunt semen cui benedixit Dominus.*

Nous ne demandons autre plus grande faueur de vostre Majesté, que de pouoir en assurance & seureté faire profession d'icelle mesme Religion Catholique, laquelle vos heureux predecesseurs ont continuellement professé dès ce grand

Roy DONALDVS, le premier conuertý entr'eux à la foy, iusqu'à la Mere (non-pareille en zele & perfection) de vostre souveraine Majesté: laquelle a respandu son sang sur vn eschaffaut pour le maintient d'icelle Religion. Venerable pour l'antiquité, Redoubtable pour l'amplitude, Constante pour la continuation, irrépréhensible, pour la doctrine, induisant à toute sorte de vertu, & destournant de toute maniere de vice. Religion tant aymée par tous les premiers pasteurs, Etablie par tous les Conciles œcumeniques, Estanfonnée par tous les Anciens docteurs: Fortifiée & dilatée par les premiers & plus Chrestiens Empereurs, seule recommandée & enregistrée dans les Histoires Ecclesiastiques, selée par le sang d'un million de Martyrs, ornée des vertus de tant de professeurs: Embellie de la pureté d'un million de vierges, entièrement conforme au sens & à la raison naturelle, & finalement accordante au texte sacré de la parolle de Dieu & le saint Euangile.

Le franc vsage & exercice de ceste Religion nous requerons (si non publique-

ment és Eglises) à tout le moins priuément és maisons, sans tolerance, sans empeschement & destourbier.

Soyez assurez, SIRE, que iacoit que quelques-vns des Protestans & Caluinistes, incitez par quelque honnesteté morale, ou instruits de nature, ou mesme pour crainte de quelque chastiment temporel, font mine & contenance d'obeir à vos loix: neantmoins les seuls Catholiques de bon cœur, les obseruent pour l'amour de la conscience. Car ceux-là soustenans que les loix & ordonnances du Prince n'obligent les subiets sur peine de peché, ne se soucieront point en conscience de les enfreindre, comme estans principalement gehenné par vne seule certaine apprehension dudit peché.

Mais les Catholiques confessant qu'il y a du merite, en obeissant, & du peché en transgressant, ne peuuent qu'estre grandement tourmentez en leurs ames, voire pour la moindre preuarication des ordonnances du Prince.

Ce consideré, tres-bening & souuerain Prince, Nous vos subiets, dés long temps

affligez, en toute humble submission protestons deuant la Majesté de Dieu & tous ses saincts Anges & ames bien heureuses, si fidelle obeïssance, & entiere reconnoissance à vostre Majesté, que onques loyaux subiets d'Angleterre ou d'Escoffe ayent rendu à vos tres-honorez predecesseurs; & ce avec vne si saine intention de vous seruir de nos biens & vies, comme iadis les plus loyaux Israélites firent à leur Roy Dauid, ou les legions fidelles, aux Empe- reurs Romains: Et ainsi attendans l'ac- coustumée grace & faueur ordinaire de vostre Majesté, nous demeurons vos deuots suppliants, enuers celuy qui manie les cœurs des Roys, & rend reciproque misericorde aux misericordieux.

Les deuots seruiteurs de vostre
Royale Majesté,

LES CATHOLIQUES, &c.















